

## Первый час

Автор: Павел  
25.03.2012 19:49

---

### ПЕРВЫЙ ЧАС

Начало Перваго часа; глаголет псаломщик: Аминь.

Приидите, поклонимся (трижды, и поклоны три).

[Псалом 5.](#)

[Псалом 89.](#)

[Псалом 100.](#)

Слава, и ныне, Аллилуия (трижды). Господи помилуй (трижды). Слава, тропарь дню, или святому. И ныне, богородичен: Что Тя наречем.

Аще ли же пост, поем на глас 6: Заутра услыши глас мой, Царю мой и Бóже мой (трижды), и поклоны три. Стих. Яко к Тебé помолюся, Гóсподи. Стих Глаголы моя внуши Гóсподи, разумей звание мое. **Слава, и ныне, богородичен:** Что Тя наречем, О! Обрадованная? Небо, яко восияла еси Солнце правде. Рай, яко возрастила еси Цвет нетления. Деву, яко пребыла еси нетленна, Чистая; Матерь, яко имела еси на руку Сына всех Бóга. Того моли спастися душам нашим.

Аще ли пост, сия два тропари поем по трижды:

Стопы моя направи по словеси Твоему, и да не одолеет ми всяко беззаконие, избави мя от клеветы человеческия, и сохранию заповеди Твоя. Лице Твое просвети на раба Твоего, и научи мя оправданием Твоим.

Да исполнятся уста моя похвалы, яко да воспую славу Твою, весь день велелепоту Твою.

Трисвятое. И по Отче наш, кондак святому, или дневи. Господи помилуй, 40. Таже, молитва Великаго Василия.

Иже на всяко время и на всяк час, на небеси и на земли, поклоняемыи и славимым, Бóже благии, долготерпеливе и многомилостиве: Иже праведники любя и грешных милуя. Иже всех зовыи ко спасению, обещания ради будущих благ; сам Гóсподи, прими молитвы наша в час сей, и в благодсти исправи живот наш к заповедем Твоим. Душа наша

## Первый час

Автор: Павел  
25.03.2012 19:49

---

освятї, и телеса очїсти, помышления исправи, и мысли очїсти, разум уцеломудри, и истрезви, и избави нас от всякия скорби, зол и болезней, и душевных страстей. И огради нас святыми ангелы Твоими, яко да ополчением их соблюдаеми и наставляеми, достигнем во единство веры и в разум неприкосновенныя Ти славы, яко благословен еси во веки, аминь. **Таже**, Господи помилуй, **трижды**. Слава, и ныне. Честнейшую херувим, и славнейшую воистину серафим, без исления Бога Слова рождшую, сущую Богородицу Тя величаем. **И поклон**. Именем Господним благослови, отче. **Иерей глаголет: За молитв святых отец наших. И мы глаголем: Аминь. Таже, молитва: Христэ, Свете истинный. И конечны отпуст.**

**Аще ли пост, по Отче наш, глаголются тропари сия, глас 4.** Скоро предвари, даже не поработимся, врази бо хулят Тя, и претят нам, Христэ Боже. Но порази Крестом Своим борющихся с нами, да разумеют, колико может православных вера, молитвами Богородицы, едины Человеколюбче.

**Слава.** Премудрости наставниче, и смыслу давче, немудрым наказателю, и нищим защитителю, утверди и вразуми сердце мое, Владыко. Ты даждь ми слово, еже Отчее единородное Слово: се бо устнама мойма не возбраню, еже звати Ти: Милостиве, помилуй мя падшаго.

**И ныне.** Преславную Христову Матерь, и святых ангел святейшу, немолчно воспоём сердцем и устнами, Богородицу Тя исповедающе, яко воистину рождшую нам Бога воплощена, и молящуюся непрестанно о душах наших.

**Господи помилуй (40). Иже на всяко время. Господи помилуй (трижды). Слава, и ныне. Честнейшую херувим (поклон великий). Именем Господним благослови, отче. За молитв святых отец наших. Аминь. И творим великия поклоны, с молитвою святого Ефрема. И прочих, 12 метаний. И паки вышеписаную молитву: Господи и Владыко животу моему, всю до конца. И поклон един. Посем, Трисвятое. И по Отче наш, Господи помилуй (12). И молитва:**

Христэ Свете истинный, Иже просвещая и освещая всякаго человека грядущаго в мир, да знаменается на нас свет лица Твоего Господи, яко да в нем ходяще, узрим свет неприкосновенныя Ти славы, исправи стопы наша, к деланию заповедей Твоих, молитвами Пречистыя Ти Матере, и всех святых Твоих, яко благословен еси во веки, аминь. **Таже, обычный отпуст дня того, и настоящего святого.**